

III. OUTRAS DISPOSICIÓNS

CONSELLERÍA DE EDUCACIÓN E ORDENACIÓN UNIVERSITARIA

ORDE do 17 de xuño de 2011 pola que se convocan probas libres de títulos extinguidos dos establecidos ao abeiro da Lei orgánica 1/1990, do 3 de outubro, de ordenación xeral do sistema educativo.

O Real decreto 806/2006, do 30 de xuño, polo que se establece o calendario de aplicación da nova ordenación do sistema educativo, establecida pola Lei orgánica 2/2006, do 3 de maio, de educación, establece no seu artigo 18.2 que a implantación das titulacións correspondentes aos estudos de formación profesional e dos respectivos novos currículos comezará no ano académico 2007-2008 e deberá completarse dentro do prazo de aplicación da Lei orgánica 2/2006, do 3 de maio, de educación, sen prexuízo da súa actualización permanente, de acordo coas exixencias do Sistema Nacional das Cualificacións e da Formación Profesional.

No número 3 do devandito artigo establécese que mentres non se produza a implantación regulada no punto anterior seguirán vixentes as titulacións e os currículos derivados da Lei orgánica 1/1990, do 3 de outubro, de ordenación xeral do sistema educativo.

O Decreto 114/2010, do 1 de xullo, polo que se establece a ordenación xeral da formación profesional do sistema educativo de Galicia, regula no seu artigo 24 as probas para a obtención dos títulos de técnico e de técnico superior.

A Orde do 23 de abril de 2007 regula o desenvolvemento dos ciclos formativos de formación profesional, en réxime ordinario e para as persoas adultas, e as probas libres para a obtención dos títulos de técnico e técnico superior.

Como consecuencia da entrada en vigor dos novos títulos de formación profesional establecidos ao abeiro da Lei orgánica 2/2006, do 3 de maio, de educación, en substitución dos establecidos pola Lei orgánica 1/1990, do 3 de outubro, de ordenación xeral do sistema educativo, procede convocar a realización de probas libres de módulos profesionais dos ciclos formativos que se extinguen, co fin de lle permitir finalizar os estudos e lograr a titulación ao alumnado que se vexa afectado pola implantación das novas ensinanzas.

Por todo o anterior, a Consellería de Educación e Ordenación Universitaria, facendo uso das competencias que lle confire o artigo 34.6 da Lei 1/1983, do 22 de febreiro, de normas reguladoras da Xunta e da súa Presidencia,

DISPÓN:

Artigo 1. *Obxecto.*

1. Esta orde ten por obxecto establecer en centros públicos a realización de dúas convocatorias de probas libres para a obtención de títulos de formación profesional actualmente extinguidos dos establecidos ao abeiro da Lei orgánica 1/1990, do 3 de outubro, de ordenación xeral do sistema educativo, co fin de lle permitir finalizar os estudos e lograr a titulación ao alumnado que cursou as ensinanzas dos devanditos títulos na Comunidade Autónoma de Galicia.

A relación de ciclos formativos para os cales se convocan probas libres de módulos profesionais de títulos extinguidos no curso académico 2011-2012 e a dos centros públicos en que se realizarán as devanditas probas figuran no anexo I desta orde.

2. As dúas convocatorias terán lugar no curso académico seguinte ao da extinción definitiva da docencia do título, consonte o seguinte calendario:

A primeira convocatoria realizarase no mes de setembro, antes do comezo das actividades lectivas, co fin de posibilitar a matrícula no ciclo equivalente establecido ao abeiro da Lei orgánica 2/2006, do 3 de maio, de educación.

A segunda convocatoria realizarase no mes de xuño, coincidindo co remate das actividades lectivas.

3. Poderán ser obxecto de avaliación nas devanditas convocatorias todos os módulos profesionais dos ciclos formativos extinguidos agás o de formación en centros de traballo (FCT), que se regulará segundo o disposto no artigo 8 desta orde.

4. O alumnado con módulos pendentes en ciclos formativos de menos de 2.000 horas de duración tras a realización da primeira convocatoria prevista de probas libres poderá solicitar praza no segundo curso polo réxime ordinario, para os efectos de rematar o ciclo formativo que se extingue, se cumpre os correspondentes criterios de promoción.

5. O alumnado con módulos pendentes diferentes ao de FCT tras a realización de calquera das dúas convocatorias previstas de probas libres e que desexe finalizar os seus estudos poderá matricularse, de ser o caso, nas ensinanzas do título equivalente establecido ao abeiro da Lei orgánica 2/2006, do 3 de maio, de educación, para o que se aplicará o réxime de validacións de módulos establecidos no real decreto correspondente.

No caso do réxime ordinario, a matrícula formalizarase no curso que corresponda en función do cumprimento dos requisitos de promoción.

Artigo 2. Lugar e prazo de presentación de solicitudes.

1. As solicitudes de inscrición para participar nas probas libres obxecto desta orde presentaranse nas secretarías dos centros públicos que ofrecesen as correspondentes ensinanzas no momento da súa extinción, de acordo co seguinte:

a) As persoas aspirantes que cursaron o ciclo formativo nun centro público deberán presentar necesariamente a solicitude no mesmo centro en que estiveron matriculadas. En caso de non ofrecerse o ciclo formativo no momento da extinción, rexeráse polo disposto na letra b).

b) No caso de alumnado procedente de centros privados, deberase presentar a solicitude nalgún dos centros públicos a que se fixo referencia anteriormente.

2. Establécense dous prazos de presentación de solicitudes, en función das convocatorias previstas:

a) Para a primeira convocatoria: do 11 ao 21 de xullo de 2011.

b) Para a segunda convocatoria: do 10 ao 21 de maio de 2012.

3. Os modelos de solicitude axustaranse aos establecidos nos anexos II e III desta orde para ciclos de grao medio e de grao superior, respectivamente. Xuntarase a documentación acreditativa que corresponda.

4. Os centros farán pública no taboleiro de anuncios a relación provisional de persoas admitidas no prazo máximo de dous días hábiles desde a finalización do prazo correspondente. Poderase presentar reclamación no prazo máximo de tres días hábiles.

Artigo 3. Requisitos das persoas solicitantes.

Para poderen acceder á realización das probas libres obxecto desta orde, correspondentes a un título de técnico ou de técnico superior extinguido, as persoas aspirantes deberán cumprir o seguinte:

a) Cumprir os requisitos académicos de acceso directo ou mediante proba aos ciclos formativos correspondentes de grao medio ou superior, establecidos no artigo 41 da Lei orgánica 2/2006, do 3 de maio, de educación.

b) Ter formalizada en cursos académicos anteriores a matrícula nalgún centro educativo de Galicia e nun ciclo formativo actualmente extinguido, derivado da Lei orgánica 1/1990, do 3 de outubro, de ordenación xeral do sistema educativo, dos que se convocan probas libres de módulos profesionais.

c) Non estar matriculado/a simultaneamente nas probas libres obxecto desta orde e no ciclo formativo establecido ao abeiro da Lei orgánica 2/2006, do 3 de maio, de educación, que substitúa o establecido ao abeiro da Lei orgánica 1/1990, do 3 de outubro, de ordenación xeral do sistema educativo.

d) Consonte o establecido no artigo 47 do Decreto 114/2010, do 1 de xullo, durante o período de vixencia da matrícula, unha persoa non poderá estar matriculada simultaneamente nun mesmo módulo profesional nas modalidades a distancia, semipresencial ou presencial, así como nas probas para a obtención deste.

Artigo 4. Elaboración, contido e estrutura das probas.

1. En cada centro dos que se recollen no anexo constituirase unha comisión de avaliación formada polo profesorado dos departamentos correspondentes, que deseñará as probas para cada un dos módulos profesionais do ciclo formativo, agás o de formación en centros de traballo.

A devandita comisión estará presidida polo xefe ou a xefa do departamento da familia profesional a que pertenza o ciclo formativo.

2. As probas axustaranse aos currículos dos ciclos formativos que se extinguen, e abranguerán contidos teóricos e prácticos que permitan evidenciar, a través dos criterios

de avaliación correspondentes, se a persoa aspirante alcanzou os obxectivos específicos establecidos para cada módulo en relación cos obxectivos xerais do ciclo formativo.

3. A estrutura da proba, o procedemento e os criterios de avaliación deberanse publicar no taboleiro de anuncios do centro cunha antelación mínima de dous días con respecto ao comezo da realización das probas.

4. Cada módulo profesional será avaliado por un único membro do profesorado, que asinará as actas de avaliación correspondentes.

Artigo 5. *Validación de módulos profesionais.*

1. As persoas aspirantes admitidas para a realización das probas poderán ter dereito ás validacións de módulos profesionais de ciclos formativos a que se fai referencia nas letras a), b) e c) do artigo 15 da Orde do 30 de xullo de 2007 pola que se regula a avaliación e a acreditación académica do alumnado que cursa as ensinanzas de formación profesional inicial.

Así mesmo, as persoas que teñan acreditadas unidades de competencia de títulos establecidos ao abeiro da Lei orgánica 1/1990, do 3 de outubro, de ordenación xeral do sistema educativo, poderán solicitar a validación dos módulos profesionais asociados ante o director ou a directora do centro educativo.

2. Quen desexe solicitar a validación dalgún módulo profesional deberao facer constar expresamente no momento de presentar a solicitude de inscrición para as probas, para o que será necesario xuntar a documentación que acredite o cumprimento dos requisitos exixidos para a obter.

Artigo 6. *Cualificación final das probas libres.*

1. A expresión da cualificación final obtida por cada aspirante en cada un dos módulos profesionais realizarase nos termos previstos no artigo 12 da Orde do 30 de xullo de 2007 pola que se regula a avaliación e a acreditación académica do alumnado que cursa as ensinanzas de formación profesional inicial.

2. As persoas aspirantes poderán presentar reclamación contra as cualificacións finais alcanzadas en cada módulo no centro en que se realizaran as probas, consonte

o procedemento establecido no artigo 20.2 da citada Orde do 30 de xullo de 2007. As reclamacións basearanse necesariamente nalgún dos aspectos recollidos no artigo 4.3 desta orde.

Artigo 7. Certificación.

A superación das probas libres de módulos profesionais dará dereito a unha certificación individual por cada módulo superado, de acordo co establecido no artigo 18.2 da Orde do 30 de xullo de 2007 pola que se regula a avaliación e a acreditación académica do alumnado que cursa as ensinanzas de formación profesional inicial. O modelo de certificación será o establecido no anexo XIII da devandita orde.

Artigo 8. Módulo de formación en centros de traballo en títulos extinguidos.

1. O alumnado que teña pendente de superación unicamente o módulo de formación en centros de traballo logo de que se produza a extinción definitiva da docencia dun determinado ciclo formativo ou tras a realización dalgunha das dúas convocatorias a que se fai referencia no artigo 1 desta orde poderá solicitar a súa realización nalgún dos prazos e dos períodos extraordinarios establecidos na Orde do 28 de febreiro de 2007 pola que se regula o módulo profesional de formación en centros de traballo da formación profesional inicial para o alumnado matriculado en centros educativos da Comunidade Autónoma de Galicia.

2. O módulo de formación en centros de traballo dun título extinguido poderá realizarse como máximo ata o seguinte curso académico ao da realización das convocatorias de probas previstas no artigo 1 desta orde.

3. A inscrición para solicitar a exención ou cursar o módulo de formación en centros de traballo realizarase polo réxime de proba libre nos mesmos centros a que se fai referencia no artigo 2.1 desta orde, sen prexuízo do establecido no artigo 1.4 desta orde.

4. Para ter dereito á exención do módulo de formación en centros de traballo, ademais do cumprimento dos requisitos xerais establecidos na normativa vixente, cumprirá ter superado o resto dos módulos profesionais do ciclo formativo. A documentación para presentar é a que se especifica no artigo noveno da citada Orde do 28 de febreiro de 2007. A exención da FCT resolverase logo de publicada a resolución das cualificacións definitivas do resto dos módulos profesionais.

5. Para o seguimento do módulo de formación en centros de traballo terase en conta o disposto na Orde do 28 de febreiro de 2007 pola que se regula o módulo profesional de formación en centros de traballo da formación profesional inicial para o alumnado matriculado en centros educativos da Comunidade Autónoma de Galicia.

Artigo 9. Titulación.

As persoas interesadas que superen todos os módulos profesionais dun determinado ciclo formativo e superen o módulo de formación en centros de traballo ou sexan eximidas del, de acordo co establecido no artigo 8 desta orde, poderán solicitar a expedición do título correspondente.

Nestes casos, os centros educativos realizarán a proposta de título polo réxime de «proba libre».

Disposición adicional única. Extinción do ciclo medio de equipamentos electrónicos de consumo en centros públicos.

O ciclo medio de equipamentos electrónicos de consumo establecido ao abeiro da Lei orgánica 1/1990, do 3 de outubro, de ordenación xeral do sistema educativo, considérase extinguido en centros públicos para os efectos do establecido nesta orde.

Disposición derradeira primeira. *Desenvolvemento normativo.*

Autorízase a Dirección Xeral de Educación, Formación Profesional e Innovación Educativa para desenvolver esta orde.

Disposición derradeira segunda. *Entrada en vigor.*

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 17 de xuño de 2011.

Jesús Vázquez Abad
Conselleiro de Educación e Ordenación Universitaria

ANEXO I

**Convocatoria de probas libres de módulos profesionais para a obtención
 de títulos extinguidos establecidos ao abeiro da Lei orgánica 1/1990,
 do 3 de outubro, de ordenación xeral do sistema educativo**

Relación de ciclos formativos e centros públicos.

Curso académico 2011-2012.

Código ciclo	Ciclo extinguido LOXSE	Concello	Código centro	Centro
CM01003	CM Explotacións agrarias extensivas	Castro de Rei	27015891	IES da Terra Chá, José Trapero
		Boqueixón	15013254	CFEA de Sergude
		Ribadeo	27010921	CFEA Pedro Murias
CM01004	CM Explotacións agrícolas intensivas	Pontearreas	36007552	CIFP A Granxa
		Bergondo	15001033	CFEA de Guisamo
CM01005	CM Explotacións gandeiras	Castro de Rei	27015891	IES da Terra Chá, José Trapero
CM04001	CM Xestión administrativa	Arteixo	15023314	IES de Sabón
		Barco de Valdeorras, O	32001725	IES Lauro Olmo
		Betanzos	15001148	IES As Mariñas
		Boiro	15026698	IES Espiñeira
		Bueu	36019463	IES Johan Carballeira
		Burela	27013934	IES Perdouro
		Cambados	36019396	IES Francisco Asorey
		Cambre	15027873	IES Afonso X O Sabio
		Cangas	36019475	IES de Rodeira
		Cañiza, A	36015101	IES da Cañiza
		Carballiño, O	32015037	IES Manuel Chamoso Lamas
		Carballo	15002591	IES Monte Neme
		Cee	15003224	IES Fernando Blanco
		Celanova	32016625	IES de Celanova
		Coruña, A	15005397	IES Fernando Wirtz Suárez
		Curtis	15022620	IES de Curtis
		Estrada, A	36002359	IES Antón Losada Diéguez
		Ferrol	15006778	CIFP Rodolfo Ucha Piñeiro
		Guarda, A	36019244	IES A Sangriña
		Lalín	36013758	IES Laxeiro
		Lugo	27015773	IES Muralla Romana
		Marín	36015159	IES Chan do Monte
		Moaña	36004745	IES A Paralaia
		Monforte de Lemos	27015311	IES A Pinguela
		Narón	15026455	IES Terra de Trasancos
		Nigrán	36015184	IES Escolas Proval
		Noia	15026731	IES Campo de San Alberto
Ordes	15027782	IES n.º 1		

Código ciclo	Ciclo extinguido LOXSE	Concello	Código centro	Centro
		Ourense	32016765	IES Portovello
		Padrón	15023090	IES Macías o Namorado
		Ponteareas	36014520	IES Pedra da Auga
		Ponteceso	15026406	IES de Ponteceso
		Pontevedra	36018677	IES Luís Seoane
		Porriño, O	36019529	IES Ribeira do Louro
		Redondela	36016656	IES Pedro Floriani
		Ribadavia	32015475	IES Abrente
		Ribadeo	27010945	IES Porta da Auga
		Ribeira	15027711	IES Leliadoura
		Santa Comba	15026030	IES Terra de Xallas
		Santiago de Compostela	15027058	IES As Fontiñas
		Sanxenxo	36019256	IES de Vilalonga
		Sarria	27012036	IES Gregorio Fernández
		Vimianzo	15026418	IES Terra de Soneira
		Vigo	36017430	IES Ricardo Mella
		Vilagarcía de Arousa	36019669	IES Armando Cotarelo Valledor
		Vilalba	27013326	IES Lois Peña Novo
		Viveiro	27013636	IES María Sarmiento
		Verín	32013582	IES García-Barbón
		Xinzo de Limia	32014801	IES Cidade de Antioquía
CM09001	CM Equipamentos electrónicos de consumo	Boiro	15026698	IES Espiñeira
		Burela	27013934	IES Perdouro
		Cambados	36019396	IES Francisco Asorey
		Cangas	36019475	IES de Rodeira
		Carballo	15002591	IES Monte Neme
		Coruña, A	15005269	IES Urbano Lugrís
		Culleredo	15005749	IES Universidade Laboral
		Estrada, A	36002359	IES Antón Losada Diéguez
		Ferrol	15006754	IES Ferrolterra
		Grove, O	36019232	IES Monte da Vila
		Lugo	27006516	IES Politécnico de Lugo
		Monforte de Lemos	27007247	IES Francisco Daviña Rey
		Nigrán	36015184	IES Escolas Proval
		Noia	15026731	IES Campo de San Alberto
		Ourense	32015050	CIFP A Farixa
		Pontes de García Rodríguez, As	15021767	IES Castro da Uz
		Pontevedra	36014489	IES A Xunqueira
		Porriño, O	36019529	IES Ribeira do Louro
		Redondela	36016656	IES Pedro Floriani
		Santiago de Compostela	15015767	CIFP Politécnico de Santiago
		Tomíño	36019751	IES de Tomíño
		Vigo	36017430	IES Ricardo Mella
CS10002	CS Desenvolvemento de proxectos mecánicos	Ferrol	15006754	IES Ferrolterra

Código ciclo	Ciclo extinguido LOXSE	Concello	Código centro	Centro
CS14002	CS Administración de sistemas informáticos	Cangas	36019475	IES de Rodeira
		Carballo	15027307	IES Isidro Parga Pondal
		Coruña, A	15005397	IES Fernando Wirtz Suárez
		Ferrol	15006778	CIFP Rodolfo Ucha Piñeiro
		Lugo	27015773	IES Muralla Romana
		Marín	36015159	IES Chan do Monte
		Monforte de Lemos	27015311	IES A Pinguela
		Negreira	15026391	IES Xulián Magariños
		Ourense	32008902	IES A Carballeira
		Ribeira	15027711	IES Leliadoura
		Santiago de Compostela	15021482	IES San Clemente
		Vigo	36018173	IES de Teis
		Vilagarcía de Arousa	36019669	IES Armando Cotarelo Valledor
		Vilalba	27013326	IES Lois Peña Novo



XUNTA DE GALICIA
 CONSELLERÍA DE EDUCACIÓN
 E ORDENACIÓN UNIVERSITARIA

ANEXO II

PROCEDEMENTO SOLICITUDE DE INSCRIPCIÓN NAS PROBAS LIBRES DE MÓDULOS PROFESIONAIS DE CICLOS FORMATIVOS DE GRAO MEDIO	CÓDIGO DO PROCEDEMENTO ED517H	DOCUMENTO SOLICITUDE
---	---	--------------------------------

DATOS PERSOAIS DO/A SOLICITANTE

PRIMEIRO APELIDO	SEGUNDO APELIDO	NOME	NIF	DATA DE NACEMENTO
ENDEREZO (RÚA, NÚMERO E ANDAR)				
PROVINCIA	CONCELLO	CÓDIGO POSTAL	TELÉFONO FIXO	TELÉFONO MÓBIL

EXPÓN

- Ter dezaoto anos de idade ou facelos no ano natural en que se realicen as probas.
 - Que cumpre o requisito de acceso (marque cun X a opción correspondente):
- DIRECTO POR:
- Graduado en ESO. Técnico auxiliar. Técnico. Segundo curso de BUP. 2.º curso do 1.º ciclo experimental REM.
 - Das ensinanzas de artes aplicadas e oficios artísticos: 3.º curso do plan de estudos de 1963 ou 2.º curso de comúns experimental.
- MEDIANTE PROBA:
- Proba de acceso aos ciclos formativos. PAU para maiores de 25 anos.
 - Que non cumpre o requisito xeral de acceso (unicamente no caso de que a convocatoria permita presentarse sen os requisitos de acceso).

XUNTA A SEGUINTE DOCUMENTACIÓN ACREDITATIVA (MEDIANTE FOTOCOPIA COMPULSADA)

- DNI, NIE, pasaporte ou documento de identidade doutro Estado da Unión Europea, no caso de non autorizar a consulta dos datos de identidade no Sistema de Verificación de Datos do Ministerio da Presidencia.
- Certificado do recoñecemento do grao de minusvalidez e ditame técnico facultativo (no caso de solicitar algún tipo de adaptación para realizar as probas).
- SE A PERSOA SOLICITANTE CUMPRE OS REQUISITOS XERAIS DE ACCESO:**
- Certificación académica en que conste o expediente académico e o depósito do título, se é o caso (acceso directo).
- Certificado da superación da proba de acceso ao ciclo formativo (acceso mediante proba).
- Certificado da superación da proba de acceso á universidade para maiores de 25 anos (acceso mediante proba).
- EXPERIENCIA PROFESIONAL:**
- Certificación da Tesouraría Xeral da Seguridade Social.
- Certificado da empresa onde faga constar a actividade laboral e o número de horas dedicadas a esta (traballadores/as por conta allea).
- Certificado de alta no imposto de actividades económicas e xustificante do seu pagamento, se é o caso (traballadores/as por conta propia).
- SE A PERSOA SOLICITANTE XA TEN MÓDULOS SUPERADOS OU UNIDADES DE COMPETENCIA ACREDITADAS:**
- Certificación acreditativa de módulos xa superados.
- Certificación acreditativa de unidades de competencia.

DECLARA

- Non estar a cursar no momento de inscrición ás probas as ensinanzas do mesmo ciclo formativo, con independencia do réxime (ordinario ou de persoas adultas).
- Ter formalizada a matrícula nalgún ciclo formativo diferente neste ano académico: SI NON

SOLICITA

- Validación de módulos profesionais. Exención do módulo de formación en centros de traballo. Adaptación da proba.
- Ser admitido/a para a realización das probas libres dos seguintes módulos:

CÓDIGO DO CENTRO		CÓDIGO DO CICLO FORMATIVO	
ORDE	CÓDIGO DO MÓDULO	ORDE	CÓDIGO DO MÓDULO
1		5	
2		6	
3		7	
4		8	
		9	
		10	
		11	
		12	

En cumprimento do disposto no artigo 5 da Lei orgánica 15/1999, de protección de datos de carácter persoal, informoo/a de que os datos persoais recollidos nesta solicitude se incorporarán a un ficheiro, para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, mediante un escrito dirixido a esta consellería como responsable do ficheiro.

Autorizo a consellería de conformidade co artigo 2 do Decreto 255/2008, do 23 de outubro, e a orde da Consellería de Presidencia, Administracións Públicas e Xustiza, do 7 de xuño de 2009, que o desenvolve, para a consulta dos meus datos de identidade no Sistema de Verificación de Datos de Identidade. SI NON

LEXISLACIÓN APLICABLE - Orde do 23 de abril de 2007 pola que se regulan o desenvolvemento dos ciclos formativos de formación profesional, en réxime ordinario e para as persoas adultas, e as probas libres para a obtención dos títulos de técnico e técnico superior. - Orde do 17 de xuño de 2011 pola que se convocan probas libres de títulos extinguidos dos establecidos ao abeiro da Lei orgánica 1/1990, do 3 de outubro, de ordenación xeral do sistema educativo. FÁGOME RESPONSABLE DA VERACIDADE DOS DATOS RECOLLIDOS NESTA SOLICITUDE. SINATURA DA PERSOA SOLICITANTE	(Para cubrir pola Administración) RECIBIDO _____ _____ REVISADO E CONFORME _____ _____	NÚMERO DE EXPEDIENTE _____ DATA DE ENTRADA ____/____/____ DATA DE EFECTOS ____/____/____ DATA DE SAÍDA ____/____/____
	Director/a do centro _____	



XUNTA DE GALICIA

ISSN1130-9229

Depósito legal C.494-1998

<http://www.xunta.es/diario-oficial-galicia>



XUNTA DE GALICIA
 CONSELLERÍA DE EDUCACIÓN
 E ORDENACIÓN UNIVERSITARIA

ANEXO III

PROCEDEMENTO SOLICITUDE DE INSCRICIÓN NAS PROBAS LIBRES DE MÓDULOS PROFESIONAIS DE CICLOS FORMATIVOS DE GRAO SUPERIOR	CÓDIGO DO PROCEDEMENTO ED517I	DOCUMENTO SOLICITUDE
--	---	--------------------------------

DATOS PERSOAIS DO/A SOLICITANTE

PRIMEIRO APELIDO	SEGUNDO APELIDO	NOME	NIF	DATA DE NACEMENTO
<input type="text"/>	<input type="text"/>	<input type="text"/>	<input type="text"/>	<input type="text"/>
ENDEREZO (RÚA, NÚMERO E ANDAR)				
<input type="text"/>				
PROVINCIA	CONCELLO	CÓDIGO POSTAL	TELÉFONO FIXO	TELÉFONO MÓBIL
<input type="text"/>	<input type="text"/>	<input type="text"/>	<input type="text"/>	<input type="text"/>

EXPÓN

Ter vinte anos de idade (ou dezanove para quen estea en posesión do título de técnico), ou facelos no ano natural de realización das probas.

- Que cumpre o requisito de acceso (marque cun X a opción correspondente):

DIRECTO POR:

Bacharelato establecido na Lei orgánica 2/2006, de educación. Bacharelato LOXSE. Bacharelato experimental. Titulación universitaria ou equivalente.
 Curso de orientación universitaria ou preuniversitario. Técnico especialista, técnico superior ou equivalente para efectos académicos.

MEDIANTE PROBA:

Proba de acceso aos ciclos formativos. PAU para maiores de 25 anos.

Que non cumpre o requisito xeral de acceso (unicamente no caso de que a convocatoria permita presentarse sen os requisitos de acceso).

XUNTA A SEGUINTE DOCUMENTACIÓN ACREDITATIVA (MEDIANTE FOTOCOPIA COMPULSADA)

DNI, NIE, pasaporte ou documento de identidade doutro Estado da Unión Europea, no caso de non autorizar a consulta dos datos de identidade no Sistema de Verificación de Datos do Ministerio da Presidencia.

Certificado do recoñecemento do grao de minusvalidez e ditame técnico facultativo (no caso de solicitar algún tipo de adaptación para realizar as probas).

SE A PERSOA SOLICITANTE CUMPRE OS REQUISITOS XERAIS DE ACCESO:

Certificación académica en que conste o expediente académico e o depósito do título, se é o caso (acceso directo).
 Certificado da superación da proba de acceso ao ciclo formativo (acceso mediante proba).
 Certificado da superación da proba de acceso á universidade para maiores de 25 anos (acceso mediante proba).

EXPERIENCIA PROFESIONAL:

Certificación da Tesouraría Xeral da Seguridade Social.
 Certificado da empresa onde faga constar a actividade laboral e o número de horas dedicadas a esta (traballadores/as por conta allea).
 Certificado de alta no imposto de actividades económicas e xustificante do seu pagamento, se é o caso (traballadores/as por conta propia).

SE A PERSOA SOLICITANTE XA TEN MÓDULOS SUPERADOS OU UNIDADES DE COMPETENCIA ACREDITADAS:

Certificación acreditativa de módulos xa superados.
 Certificación acreditativa de unidades de competencia.

SE A PERSOA SOLICITANTE TEN DEZANOVE ANOS E UN TÍTULO DE TÉCNICO:

Depósito do título de técnico.

DECLARA

- Non estar a cursar no momento de inscrición as probas as ensinanzas do mesmo ciclo formativo, con independencia do réxime (ordinario ou de persoas adultas).
 - Ter formalizada a matrícula nalgún ciclo formativo diferente no presente ano académico: SI NON

SOLICITA

Validación de módulos profesionais. Exención do módulo de formación en centros de traballo. Adaptación da proba.

- Ser admitido/a para a realización das probas libres dos seguintes módulos:

CÓDIGO DO CENTRO		<input type="text"/>	CÓDIGO DO CICLO FORMATIVO		<input type="text"/>
ORDE	CÓDIGO DO MÓDULO	ORDE	CÓDIGO DO MÓDULO	ORDE	CÓDIGO DO MÓDULO
1	<input type="text"/>	5	<input type="text"/>	9	<input type="text"/>
2	<input type="text"/>	6	<input type="text"/>	10	<input type="text"/>
3	<input type="text"/>	7	<input type="text"/>	11	<input type="text"/>
4	<input type="text"/>	8	<input type="text"/>	12	<input type="text"/>

En cumprimento do disposto no artigo 5 da Lei orgánica 15/1999, de protección de datos de carácter persoal, informoo/a de que os datos persoais recollidos nesta solicitude se incorporarán a un ficheiro, para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, mediante un escrito dirixido a esta consellería como responsable do ficheiro.

Autorizo a consellería de conformidade co artigo 2 do Decreto 255/2008, do 23 de outubro, e a orde da Consellería de Presidencia, Administracións Públicas e Xustiza, do 7 de xullo de 2009, que o desenvolve, para a consulta dos meus datos de identidade no Sistema de Verificación de Datos de Identidade: SI NON

LEXISLACIÓN APLICABLE - Orde do 23 de abril de 2007 pola que se regulan o desenvolvemento dos ciclos formativos de formación profesional, en réxime ordinario e para as persoas adultas, e as probas libres para a obtención dos títulos de técnico e técnico superior. - Orde do 17 de xuño de 2011 pola que se convocan probas libres de títulos extinguidos dos establecidos ao abeiro da Lei orgánica 1/1990, do 3 de outubro, de ordenación xeral do sistema educativo.	(Para cubrir pola Administración) RECIBIDO <input type="text"/> REVISADO E CONFORME <input type="text"/>	NÚMERO DE EXPEDIENTE <input type="text"/> DATA DE ENTRADA ____/____/____ DATA DE EFECTOS ____/____/____ DATA DE SAÍDA ____/____/____
FÁGOME RESPONSABLE DA VERACIDADE DOS DATOS RECOLLIDOS NESTA SOLICITUDE. SINATURA DA PERSOA SOLICITANTE <input type="text"/>	Director/a do centro <input type="text"/>	



XUNTA DE GALICIA